

LEVHI YA RHUMELO WA DAYIMANI

Xana i yini?

Hi ti1 Hukuri 2008 Levhi ya Rhumelo wa Dayimani wa tidayimani leti nga pholichiwangiki leti rhumeriwaka ku suka eRSA yi tivisiwile. Hambileswi leswi swi nga pasisiwa eka Nawu wa Levhi ya Rhumelo wa Dayimani, SARS yi lerisiwile ku fambisa no hlengeleta levhi leyi.

Xana i ya va mani?

Vahumelerisi hinkwavo, Vaxavisi, Vinyi va Tilayisense na/kumbe Vakhomi va Mipfumelelo hinkwavo va fanele va hakela levhi leyi loko va rhumela tidayimani leti ematikwenimambe.

1. Ntlheriso wa muhakelalevhi (ku nga munhu loyi a tsarisiweke loyi a endlaka hakelo ya levhi hi xiyimo xa ntlheriso wa nkarhi tanihilaha swi hlamuseriweke hakona eka Xiyenge xa 5(1) xa Nawu wa Vufambisi) u ta hakela levhi hi ku fambisana na swipimelo swa Xiyenge xa 5(1) xa Levhi ya Rhumelo wa Dayimani (Vufambisi)
2. Mukhomi wa mpfumelelo u tekiwa tanihi muhakelalevhi wo kongoma (munhu loyi a nga ringanelangiki ntsariso ehansi ka Xiyenge xa 2(1) xa Nawu wa Vufambisi kumbe i munhu loyi a hlamuseriweke eka Xiyenge xa 5(1A) xa Nawu) naswona u ta endla hakelo ya levhi a nga se rhumela tidayimani leti nga pholichiwangiki ku suka eAfrika-Dzonga.

Xana ndzi fanele ku teka magoza wahi?

Vahumelerisi hinkwavo, Vaxavisi, Vinyi va Tilayisense lava endlaka vuxavisi bya dayimani (tidayimani) leti nga pholichiwangiki va fanele va tsarisela bindzu ra vona na SARS.

Eka ntsariso, bindzu ri ta kuma nomboro ya khodi ya mupfuniwa ya Vulawuri bya Mindzilekano leyi nga ta tirhisiwa loko mitiviso ya mirhumelo yi endlwa eka SARS. Leswi landzelaka swa laveka:

- Ku hetisiwa ka tiakhawunti ta ekisayizi ta tinhweti ta ntsevu, hambi loko ku ve ku fanele ku endlwa “nil return / account “.
- Ku nga si sunguriwa ku endlwa xikombelo xa ntsariso, Muendli wa xikombelo u fanele a kuma Mipfumelelo leyi faneleke / Tilayisense ku suka eka Mulawuri eJohannesburg

Xana hi wihl mpimo wa rhumelo wa xibalo naswona hi xihl xikongomelo xa Levhi ya Rhumelo wa Dayimani?

Mpimo wa rhumelo ematikwenimambe wa xibalo i 5% ya nxavo hinkwawo leyi nga hansi ka leyi hakeleriweke henhla kumbe ku katsa leyi hakeleriweke hansi. Xikongomelo xa Levhi ya Rhumelo wa Dayimani tanihileswi swi vuriweke hakona eka [Nawu wa Levhi ya Rhumelo wa Dayimani Nomboro 15 wa 2007](#) na [Nawu wa Levhi ya Rhumelo wa Dayimani \(Vufambisi\) Nomboro 14 wa 2007](#) i ku:

1. Ndlandlamuxa nhluvukiso wa ikhonomi ya laha kaya hu ku hlohlotela vumaki bya dayimani bya laha kaya ku phurosesa (tsema, pholicha na swo tala) dayimani (tidayimani) laha kaya;
2. Hluvukisa vuswikoti; no
3. Tumbuluxa ntholo

Xana yi fanele ku hakeriwa rini naswona njhani?

Nawu wu pfumelela tihakelo hi ntsevu wa tinhweti, ku nga kambirhi hi Lembeximali. Nkarhi wa swa Timali wu ya hi loko ku ve i munhu hi ntumbuluko kumbe munhu wa xinawu xik. Bindzu.

Vahakelalevhi eka ntlheriso va ta hakela hi ku fambisana na swipimelo swa Xiyenge xa 5(1) xa Nawu wa Levhi ya Rhumelo wa Dayimani (Vufambisi). Mukhomi wa mpfumelelo wu tekiwa tanihi muhakelalevhi wo kongoma naswona u ta endla hakelo ya levhi a nga se rhumela dayimani (tidayimani) leti nga polichiwangiki ku suka laha Rhiphabuliki.

Yi nga hakeriwa hi ku tirhisa EFT ya le Bangi kumbe hi cheke leyi tiyisiseke ya le bangi [etihofisini ta marhavi ya SARS](#) lawa ya vuriweke.